



四庫未收本

巴陵方氏珍藏

平菴悔稿卷八



括蒼項安世平甫著

七言律詩

九日喜陳一之提刑至龍山

聞道西征使者來，滿城風雨菊花開。
 喚回烏帽千年夢，驚倒龍山百尺臺。
 病叟舊痾初去體，元戎新醞恰浮醅。
 籬邊更有休官令，人事天機亦異哉。

宋帥新開府陳正己新自沅江縣令歸來

續聞李李草提刑舟到用前韻迎之

今日何居忽鼎來眉心黃氣十分開青簾穩下東三峽
繡斧相逢兩外臺抱病拾遺脩破帽罷官陶令覓殘醅
未知千古龍山下有此重陽盛事哉

和陳正己九日公安道中韻

何處山無九日花故人相遇即為家君方去著風前帽
我己寒如露後葭久閉柴門陶歲月晚憑兒孑送生涯
眼看一樹堂堂去雙鬢那能不早華

次韻王少清重陽

旋收積雨放秋陽天亦慙慙酒腸籬下看花元自逸
公前露首固非狂芙蓉幕底鄉心動竹葉杯中古意長
每到佳時懷舊隱羨君猶爾愧吾忘

次韻承甫兄重陽

露入楓林葉未黃風將花信到南陽一年好處詠九日
四海幾人雕寸腸偶爾至今成故事亦須隨分繫萸囊
陶生孟祖當時意可但區區為一觴

涪陵令李坤幼隨母冒姓今復姓王乙未同年進士

孝子平生三釜悲故人解后一寒疑亦知自講陶朱事

范文正公復姓謝啓用范蠡陶朱不用戲題臣向詩宋元憲改名後答同年詩用劉向事

舊日夫人稱李衛如今弟子即羲之姓同名獨吾何憾

厚德真堪慰所思

次韻送新潛江滕令

髯滕筆力萬鈞強少日詩聲遠擅場身著青衫頭半白

腰懸銅印緩仍黃魚來俞音市鮮無數酒滿龍淵樂詎

央若許為氓仁政裏一厘烟水受漁郎俞市龍淵皆潛江地名

縣南堤破戶全逃縣北堤存尚可苗春野縱耕無吠犬

秋場一笑足迎猫解牛巨手烹鬻水戲彩深情化哺臬

時喚雲洲論小篆少於韓蔡老於潮潛江狄彥詰工于篆自號雲洲

送任壽朋赴襄陽令

際天南北颺颺威史漢東西嚙嚙長為客曾誇心膽壯

送君今嘆鬢毛蒼五官置屬蓮成蕩脚漕憲總領都統屬官在焉

校屯共柳作行中有書生騎瘦馬自弦焦木種甘棠

潭心山頂碑何在鳳翥龍翔夢亦非
野鍾狼烟參井敵城開鴈翅入江圻
蟠胸蠹帙千年富手到雞鋒一映微
應待經行阡陌徧喚登文石問兵機

重過鄂州

南柯夢散不知年東海騎鯨作醉仙
戎自偶經前赤壁誰言曾倚舊青氊
轅門甲馬三更發古寺鍾魚一夏眠
慚愧白棠花下叟當時芻狗尚流傳

晴日迂江西帥徐子宣

漢殿東頭玉瑄回吳城西上錦帆開
一天紫霧風吹散千丈紅光日射來
翼軫衡廬生喜氣江湖淮海絕纖埃
淒涼只有山前客何日臨津理去桅

和宋帥出示所送李大著詩

掖垣清夜十年愁夢遠西南處處州
李蜀人也忽向江陵逢太白同嘲楚國看
倡優梅花賦就行人遠白雪歌殘兩
槩流日暮江空魂欲斷更題九辯說悲歌秋

樓前人送四前旌

時同送四客

樓上詩添七字成蔽蒂風中

皆德意黍苗雅稟盡仁聲請回南國條杖筇歸主中朝
禮樂盟天下舉安吾始樂時哉王道正和平

病中三復令人篇可但才工與調妍心在雪壇沂水上
思去通歸鳥岫雲邊自將鐵石為傳授不與風騷較襲
公聽者座中誰最喜丹邱道士舞如顛

次韻答劉正將

落魄劉郎住藕池江陵藕池有劉湖北竹枝詞
郎沈先生所居風流故有諸孫句絕妙都如幼婦碑玉斗歌成微醉後銀

河曲就淺寒時文章自倚兼餘體不分人來只看詩

次前韻答徐監門

依環仿磬作園池環磬皆徐氏夏玉鏗金出好詞
家園池名世擅

文章從魏氏家傳仁義見輯碑抱闕碌碌早飛日去國
遲遲獨往時相值兩窮方有味短牋朝暮送新詩

次韻答蜀人薛仲章

只憐久病劉公幹不羨多騶鄧仲華解寄長年新句法
頗思前夜好燈花自離窓外千秋雪長看天西一色霞

想見疎桐涼月下幽鴻無伴立寒沙

讀杜賢良文卷

舉公售淺戒深鉤學士談根諱末流萬古斯文真一髮
百年蓬子散千愁氣雄聲正師韓集格重詞妍似柳侯
天遣孤窮應有意未追永繫莫輕休

同年董知縣席上

十五年前玉頰紅長安道上氣如虹集英廊迴含霄露
後市樓高納海風解后一涯俱潦倒摩挲雙鬢各蓬鬆

酒邊更用分疎在明日相看認是翁

送羅機宜秩滿東歸三首

不愛征西入幕賓只圖袖得最閒身

燕子由機宜廳記
云邊頭無帶此官

最畧無崖岸肯懷白洞見中邊德行淳但用至誠禪府
主不將高論說時人如今獻納須公可若是朱雲却未

仁

風髯飛動儼長身縹渺襟期不受塵豈是恣然忘應物
亦知蕞爾漫勞人若非事業驚當世也合文章作近臣

此外世間無處著却須汗漫跨麒麟
十年為客古南都不謂斯行得範模
我自閱人惟見此公言有弟更勝吾
金堤碧瓦新游覽綠竹紅薇舊醉呼
短別未應勞夢寐定來騎馬看西湖

送樓國正罷荆幕東歸

一江秋水散芙蓉笑買扁舟下五湖
北學自憐非楚產東歸安得與公俱
同年進士今丞相六館諸生舊講徒
朱橘白魚留不住洞庭橙熟有新鱸

贈韓術士

睡過春星十二番牙疎髮脫久知難
捉將官裏兵良苦放八山間枕乍安
舉世知君能式不愁無客問彈冠
母多奪我枚回渚厚笠輕蓑老竹竿

送潛江令徐盈

漢江西畔蜀江東中有荆王古縣公
為艾獵來民見德穀於菟去士傳忠
肝腸可柰平生苦機杼胡庸抵死窮
君寵親恩俱望報直須平易與天通

和韻荅都昌胡令論詩

竹屋蘆門映短牆夜深宜月曉宜霜青山顧我如相識
白水粘天似故鄉江陵有水無山光景萬端皆好句肝腸百鍊
見真剛今君正與民同樂安得清愁滿腹裝

夾得胡仲芳詩次韻

天遺清明作小寒人從赤壁上青山頗宜書更形骸外
賴有詩猶意氣間一日水程無幾往百篇大急莫令慳
杖藜徑入漁樵去從此因君得往還

劉都翰送伊川山谷二像翰字武子

十年道學誠明處四海詩篇雅頌餘元祐向來基宥密
涪江相逐伴樵漁坐中蒼白誰安立身後丹青獨久如
再拜兩公何所見衣巾端肯過吾廬

和陳信民用韻以高撫州之命相招

入無錐瓦出無閭驪與閭字通笑殺康山老寄居客裏光陰
何以度閑中親舊頓然疎武岡文學來投卷臨汝君侯
肯致書早晚一犁親受地時於笠底望行車

次韻鄉人賀歸

早知芳樹不如歸底用青天接翅飛
但了寢門安與否更闕城廓是和
非預愁計日當還次安得窮年只掩扉
羨殺能詩西閣老一菴依舊鬢毛稀

張晉用晦自西和州來歸 六月十五日

江海張公亦壯哉雪蛆生處守邊來
蘇秦六月水如鐵土悟三更冷似灰
棧踏曾雲歸蜀道船欺急淖下瞿堆
沙頭病士眠如熟又見征人萬里回

過無錫寄沈知縣 李豐

同時月殿氣如虹各自天涯影似蓬
半世弟兄纔一識二年州縣忽重逢
湘山飽聽靈妃瑟錫水新彈單父桐
剝有江湖不歸話回船相就却從容

過秀寄糜秘書 師旦

圓嶠仙人厭久如戲求同韻作周書
半生聞誼親無路一日同僚分有餘
餘人館之日 糜適補外西子湖邊春載酒
征官亭上夜分裾秋來懷抱知多少
總是歸程細細攄

成都二月十五日補試院呈同官

向來耆舊日爭輝太息西來萬事非一笑烘堂吾豈敢
百年憂世淚仍揮洋洋大國風流在奄奄諸生氣息微
欲挽岷江注東海吾衰無力只思歸

三次劉寺韻賦張以道新居與約齋夾湖相里

寒綠新軒對馬頭陂南陂北銷愁合添漁艇兩三隻
時與約齋來往遊歌枕孤鴻烟雨漲鉤簾宿鷺曉光流
何時祭竈呼鄰里我欲題詩素壁留

新居在行宮之側
後軍寨之右方

碧柳黃蘆冷映門荒陂寒水淨涵村深深留殿朝常閑
蕭蕭行營夜不喧景似邱園宜避俗事非風月總忘言
平生故有閑吟分何物堪酬造化恩

再用絲字韻謝張留守垂訪新居

畫出城都客子詩元戎真赴野人期白沙翠竹新晴罷
紅旆青油小隊移聖世散材甘永棄師門曲木未全遺
驚魂已作逃絃鴈只願長江理釣絲

再送陳沅江

三年食茆厭水廳一日栽桃遶帶城水入洞庭天正闊
山連黔徼地偏清醉歌屈子醒時賦琴和湘娥瑟外聲
若到江濱逢九肋為言稀有是輕生

三送陳沅江

苦死相留不療飢再三相送只添詩金蘭去我方嫌速
襦袴催公莫恨遲碧海聲名無右者玉霄岐路合東之
未應白髮青溪上長傍孤蓬理釣絲

再得崇道觀寄玉左史客

藥鼎無時手自煎萬囊長在枕頭邊罪今脫矣從頭白
病已安之用涕漣始悟舊時成卦影只消崇道了天年
故人讀罷知余喜遙舉真珠百斛泉

答劉知縣岳詠雪

一夜雲潢剪素娥平明門外柰詩何灞橋鄭五方如許
冰柱劉又更患多衆版並題吾豈敢扁舟乘與子能過
不嫌茅舍無瓊否共續長安慷慨歌

次韻周子問詠雪

掃罷殘冰又辱臨
喚回前雪與爭新
禁持酒力難為聖
倚賴詩腸即有神
朝氣顛狂從自舞
夜深騷屑會相親
白蘋滿眼長安夢
三月楊花覆錦茵

贈葉少敏

絳臘高然玉粟花
眉間喜色見宜家
銀河已報橋成鵲
寶鏡遙知鬢畫鴉
柳外月圓人漸好
洞中桃出路非除
從今莫作悲秋賦
直自安仁鬢未華

贈黃愉

三命盤中水火煎
五星局上計羅纏
天公賦與元知此
歷叟欺謔謂不然
一紙向人明似鏡
平生惟爾直如弦
更持居士鹿門去
欲獻何人覓酒錢

次韻范有交秀才投贈二首

頭顱看即已如斯
狡獪何能尚昔時
物自有情非我也
筆因隨意偶書之
不知風壑鳥由籟
但見春林忽自枝
老去詩名多減盡
詠沂門戶欲容窺

汗江范子亦奇哉
謁入寒廳眼為開
少日論心弋陽走

平齋詩集卷八
新年行脚良齋回君方赤手騎生馬戒已冥心學死灰
空復項斯門地在箇中無處覓詩才

次韻高秀才重九二首

未待經霜折嫩黃已思斜日醉高陽鬢毛擬共冠巾約
詩句先含萸菊香小雨微雲愁令節批風借月倚新章
應門莫報催租吏酒債如今也未償

茱萸未插鬢先黃兄弟西陵更岳陽鴻鴈來時俱是淚
菊花知汝為誰香臺因抱病難重上詩為催租已斷章

新樣小檀官釀熟輸君直把九秋償

送海陵孫縣丞三首

壯年往贊海陵公切莫哦詩歎負懷借韻妻子父兄皆上
祿民人社稷盡天工稅存產去須勤割陂壞田荒與細
通日暮歸來念此哲尚應無面著慚紅

向來一尉萬人知此段風流已大奇資考漸將京秩近
新年能使道心移但慚我乃更民上勿謂官今選調卑
持此尊前供笑樂勝如天上拜恩私

新安老子放窮山星婺仙人古柏間今日吾儕隨利祿
高風千里斷躋攀天寒日短雙輪去海闊波深萬艇還
上徹浮圖須自力有為何地不曾顏

次韻和謝江陵楊縣丞投贈四首

柴門密掩但如孫白榻高懸偶似陳皮骨久將梅其瘦
鬢毛難與柳爭新却思二十三年土曾醉千崑萬壑瀆
蘋月夢風如昨日堯天依舊滿懷春

徑苔鋪翠葉堆黃生怕人來使踏傷病久養成心性懶
閑多衍得歲年長已拚故戒忘俱盡忽語當年喜欲狂
蓬蕩稻田相對起鏡湖南北好風光

與君齊宦五雲東與我齊生一歲中今州天涯須共笑
半生頭鬢畧相同觀中香大無官守庭下吟哦少事功
未必茗溪閑似此買船歸去莫怱怱
買臣五十貴何疑衣錦懷章亦未遲茗雪有情依輦轂
簪纓無數足親知只消笑向長安得何用歌穿郢市為
江漢沮漳吾老矣藥囊如櫛氣如絲

又次韻羅商卿卿夕雷雨

早秋初夜暗涼生
門巷歡呼見物情
時節自令兒女愛
年華潛遣鬢毛驚
一聲霹靂開銀漢
萬丈雲濤下太清
析木津頭傾見底
鵲橋從此不須營

送任梅叔赴州教授

楚船西上蜀東圻
茆滑芹香水半圍
蒼龍觀海運
哺成鸞鵠教天飛
化行石照銅梁外
人指蓬山藏室歸
喚起少年時習夢
小窓寒日鬢毛稀

平菴悔稿卷八

平菴梅稿卷九

女世平甫著

六言

直州次韻丁教授送行二首

誰喚新霜破曉扉
江神知我向庭闈
直州千古送人處
一棹橫江從此歸
簾額北風情索索
轎窓東日薄暉暉
樹頭鵲子能傳喜
欲去回頭更整衣
送行第一要君詩
一路看詩慰所思
可吏可儒仍可將

吾兄吾友亦吾師暫移馬舫仿亭榭小簇螺盤話別離
指點方壺門外柳歸來須及欲黃時

送漢陽軍鞏教授

豐字仲至蔡州人

今代清時有鞏兄世間無處著才情洗乾螺黛姿仍好
挽出鯨魚意轉平千古未吟渠忽到傍人不解我先驚
何如鑠著金鑿殿王囑新調自鳳鳴

送李公衡從軍

對牀夜雨副深情去續眉山萬古心杜宇不來無客恨

鵝鴒相喚有新聲江西太史吟詩處洛下先生載道行

黃山谷程伊川
皆謫居涪陵

吟日重提舊案亦須拈問老師兄

用韻送倪教授十呈

吟罷隨州路口詩先生書劍此東之邊城克日無斯士
病叟中年惜所知出處如今方永隔逢迎何處是前期
故人若問孫文寶閉戶焚香讀坎離

贈黃縣尉二首

在湖北作

震澤逢君意便傾湘江見我眼中明鎖闈對榻談風雨

放流去聲雙舟話晚晴南嶽歌行雲裏和西亭今古夜深
評無端吹落紅塵脚步相踈一萬程

幾日真成去道州如今未發已先愁一城對酒猶踈闊
千里題詩底唱酬鴈不到君濂字水魚應過我直名州
登臨若有相思句西北風吹送似休

再次前韻留黃縣尉二首 時在補試院中

郵亭別酒也須頷底作忽忽向水明遠裏青心猶有意
雨中紅日可無情吾伊未了吾難出子墨傳言子試評

回首便成千里恨論心何惜片時程

天教槐輔撫藩州人遂梅仙百不愁倚閣才情翻作苦
留連詩卷不成酬我方設棘蒐芹水渠自張蒲去荻洲
二十四龍高浪裏臥敲船板醉吟休

次韻王司理二首

它鄉異縣忽相逢岐國家聲聳岱崧仕宦一生無去國
周旋四世不言功本平時節司文事滿世交游盡至公
若把安榮觀後進百年未抵一年中

對敵何曾姓一毫避人堪笑却成逃莫思蓬戶飛三箭
且向樵闌帶兩髦年少狂隨流水去老來方悟入山高
兒童已辨新詩句擬釘門符換舊桃

次韻張以道對雨

西湖水足鏡新磨竺寺雲深著色多雙槩滿城舟子唱
一犁無數老農歌冬溫無計邀滕六春旱愁人似石陂
但得新年堪漫種不嗔花事雨中過

次韻張直閣對雨

九重城裏作山園隔盡紅塵一世喧今雨未妨連昨日
春寒聊為破冬溫容傳條令來梅圃

功用疏護梅六十
七條于玉照堂

僮報平安向竹村我在蓮山猶羨子世間誰似隱君尊

淳熙己亥歲傅子淵勸予無弄文墨自是絕意筆

研十四年矣非應用不得已不作也今年胡李

隨復勸予為之日文不可溺也其可廢乎因作

此寄儕子淵

夢泉建
昌人

兒時月露與風雲半世詞場罷策勳老子今年新有興

良朋嘆我久無文不妨翰墨鳴斯事聊遣篇章記所云
不見衡州傳文學春來零詠滿湘濱

寄鄭薦玉

鄭公身與我同寒陸子泉頭隔幾山薦玉竟陵人今避地九江為客
蓋頭無一瓦何時開眼見千間非干世俗人情薄自是
書生命運慳三色未隨情內廢先師心事幾曾還

寄承甫九

時九讀書武陵

不見夫君歲月過舉頭相望隔山河人來人去書長到

江北江南情若何鐵硯功名當自許錦囊詩句不須多
家風正待吾曹振莫漫尋常費琢磨

送程寺丞知和州

池州人

名為淮郡賈江城米石江心郡吏迎一葦橫通秋浦近
雙旌何異晝衣行承平豫事宜生事緩急圖成豈解成
我有幽風柔上句聊當束帛贈先生

送蔣舍人知利州介

乙未臨軒賜敕頭左班詹監右君侯兩翁今上一翁健

萬里去為千里州不向殿巖提虎士亦應帷幄運鴻籌
阜陵人物今餘幾况是當年第一流

包山送辛火御知福州

樓頭尊酒送將行楼下江潮意未平漠漠南天垂雨脚
陰陰長夏作秋聲杜陵戀闕心應若楚客思君淚合傾
莫倚輕紅宜重碧男兒報國在尊生

送吳少保知鄂州

琚

第三閘外看征帆開駛帆輕似箭奔此去直挨湖北岸

吾廬正在水邊村送公便作還家想何日真酬去國言
最是別來情味惡州橋每到誤窺門

送著作范禮部知彭州

仲黼其家距彭州八十里

三十六峰當郡前世間無此好山川辭家上馬消一日
去蜀題橋今年草奏南宮文似錦細書東觀筆如椽
批風判露名花東正是彭州二月天

寄高象州

商老

聞向君王乞象州只貪州宅有高楼山西日薄都無瘴

海外風來早見秋蟋蟀已非今角正 小說謂萊州以片瓦為州宅蟋蟀為
 未休 鷓鴣猶是舊亭侯南涯石壁寬多少題徧新詩意

送胡黎州

江南客子賦西征冬月川江似砥平山遣雪來迎小隊
 人將春去到邊城却以曲車直大渡河深帝斧明
 都護歸時身未老華年鴈畔佩環聲 雪山邛崃阪大渡河皆黎州地名

送邕州高教授二首 宗商

聽說邕州暫駐航有登如粟馬如羊五千里地通中國
 四十三州控大荒武寧建時又未喪化風宣處教無方
建武軍治宣化縣 朝家宣化縣校通宣化縣越宣化縣歷諸公未易量
 吏部無官可注員諸生星散落三邊君行回雁前頭路
 飛上杜鵑無處飛蜀越漫傳分日雷西南元自接風烟
 相思莫忘書紳句長在輿衡與立前

次韻趙僉判吾雨 希明

多謝新詩起鈍頑扣門佳夢忽驚殘句中解觀秋霖若

讀罷猶聞夜滴寒誰道貴遊無世話君今清尚更儒酸
向來白賀風流在勉立修名後代看

答杜仲高來書哭九伯高及辛待制且言杜氏至

伯高始預薦榜

康廬之麓蠹之臯太息書來杜仲高待制功名千古傑
賢良文字萬夫豪淚痕頻向西風滴楊屋新隨舉子曹
且為門闥闢青紫軻親戚父一生勞

次韻楊僉判室中竹枝

潛

嬾龍入戶養慵枝罷聽風雷却聽詩頭角不爭雲雨會
精神如畏雪霜欺莫教畫手流傳去生怕時人取次知
此腹可憐終不負琅玕朝暮為君披

送胡仲方二首

鄧林擢幹皆榘梓舟穴生雛即鳳凰年少一來無比並
老翁十歲有輝光幕中潤澤江湖遠筆下才情錦繡張
未必安仁須作賒籍田新賦待文章

交情久處臨分苦別意深時著語難志士自期須皓首

故人相勸只加飡
乾坤老大十年在雲海
扶搖一息看防有能言如子者
解將往話倚危欄

送東川成路鈴鏞

壯歲專城身欲老
兒時射策眼今昏
戰創滿面誰能管
舊事逢人且莫論
壁壘旌旗分一路
弟兄父子號名門
回瞻永阜陵前相
莫忘去聲當時教育恩

送醇甫

怕聽槌鼓發船聲
桑梓葭葦兩繫情
病有千回煩訪問

貧無一事擾聰明
循良只為鄉人惜
離別偏令老大驚
不計歸來多少歲
兒童三見令君行

送夔帥楊校書輔解印還鄉二首

高閑風度澹無營
靜密工夫久自增
大息家林惟獨鶴
向來西海說三鵬
兄弟三人皆高
科連舉其二橋衝不動千原
獲磬鼓無聲萬杵
登道在陰陽
公自到向來河洛
此繩繩

清秋丹鳳下蓬萊
驚倒瞿唐灩澦堆
監國入堂催議事
時大子開相公開館
夢翹材未甘直上青雲去
更欲斜議事堂

飛錦水面一片蘆帆楚江岸新春暮筮候高枕

故人亭

翠壁丹崖雲氣浮故人亭下駐行舟
蕭相東去連滄海桂嶺西來接永州
浦樹生烟攢祚檻巖花覆水叫鞦韆
讞刑省俗慙無補目斷波間雙白鷗

劉寺置酒遇雨次韻答王大著

容字南強

勝絕今年第一籌錢湖劉寺雨中遊
湯傾澗點雲隨肘羨況戎酥雪滿甌
竹塢張烟圍客住梅簷翻水勸人留

只因元氣淋漓手計會天公作此謀

大雨

閑裏光陰已自娛近添衰病更宜居
羅禽樂甚無賓客庭草欣然罷吏胥
一霎陰風吹下箔滿堂流水喚開渠
家童莫笑先生急雨過先生緩有餘

老人命賦家庭雙頭牡丹

只與酴醾話獨醒不隨桃李競時名
人憐國色無花對天與風流並蒂生
兩兩鸕紅思並翫雙雙鹿紫待齊鳴

冲天食野方多慶盡是仙翁手種成

失題

肇開苕霅葬斯文

初葬湖州
瓶角山

從此新安族望分瓶角烟

寒山烈烈梅溪風切水泐泐何人可誌林宗墓他日應
尋董相墳桃李無言蹊自遠五湖清浹濕春雲

請竹林先生墓銘

成州李使君之父

嵩安鄉杜榻岡阡野客銘詩嗣子鐫花發烏啼春覓句
草深帶度夜開編竹林名字人知否玉樹機祥我謂然

十萬文夫旁可置六千君子後多言

又病起送春

睡過珍林十日紅起看陽記欲成空有情盡付鶯和蝶
無恨堪嗅雨與風原濕望中青一色欄干憑處意無窮
衰翁脫悟人間事春去春來歲歲同

有感韓曾一首

道散斯文體尚淳韓曾力與化上侔山瞻泰岱巖巖聳
河出崑崙混混長流慶從官銷不得熙寧丞相挽難留

滄洲奏疏潮州表猶被人拈作話頭

有感

策策秋聲起樹枝
遙憐塞下雁來時
寧聞中夜荒鷄舞
肯捨他人竹馬騎
短劍舊曾交俠客
小詩猶作將偏師
無情恰是青銅鏡
剛照書生兩鬢絲

有感七首之一

我與背賢生異世
晝思夜夢兩微茫
掉頭墮霧入東海
被髮乘風下大荒
仙伯已尋母竈地

梓川號左
玄仙伯

武皇亦

返白堊鄉惟應詩卷留天地
寶氣雖埋斗有光

閩城中募兵有感

調發年多籍半空
虎符招補至閩中
庠農戎服來操戟
太守儒裝學拍弓
去日初辭鄉樹綠
到時愁見戍旗紅
募金莫作纏頭費
留製衣袍禦北風

昔在軍中日募兵
萬夫魚貫列行營
懸金都市招徠廣
立的轅門去取精
二石開弓猶恨少
雙重被鎧尚嫌輕
伍符屬他人手
歷歷空能記姓名

代任閩州和人重午二首

靈符高掛辟方良
寶劄旁搜納眾芳
穰穰人情隨節變
冥冥古意與長新
裁白雪羅衣潤
旋剝黃金角餌香
尚想中流見荃棹
徘徊洲浦待坐陽
游龍蹴浪錦江高
節物驚人感二毛
京洛永平真富貴
江湖風物歎蕭騷
荃蕪有恨流千古
駕驥當年共一槽
聖處相期君不肯
自煎明燭泣流膏

次韻鄉人華秀才冬至日投贈二首

深知道長屬仁賢
甚愛陽來復舊氈
鳳歷新灰浮緹室
斗星初度轉青天
五雲嘉氣書周典
七日靈文驗孔編
忽忽窮愁休悵恨
東風已到玉梅前
異鄉初見子文章
短至仍逢日告良
下馬入門知意重
芳華贈我愧情長
筆端風味誰能及
江上形容莫自傷
一線陽光真白辟
九衢春夢付黃梁

賀益漕為疫禱雨

綠蘭朱書扣紫園
黑烟紅電攬黃淵
搭殘東漢西岷水

翻入南雲北夢田病祝香燈猶未炷疫民鍼艾已先痊
更欣十萬天驕子角脫膠開不上弦

送張柳二生歸潭州應舉 上即位之初舉也

丹鳳飛來紫詔香六龍初日上扶桑漢廷第一垂清問

潭府三元有故常 丁未舉省元狀元
釋褐狀元皆潭人 賦客從來推屈宋

文星依舊照衡湘夜涼天宇清如洗翼軫光中見柳張

上塚還過方橋

一番新火試新茶又向方橋記歲華草色前頭見江樹

桑林多處是人家拓開白鳥天邊眼背盡紅塵脚底沙
臨老不知來幾度只看豆麥不看花

丙寅法輪寺閣前賢碑板有感

响屐峯前法輪寺少林閣後訪碑軒子宣介甫清詩在

雙井昆陵白榜懸 黃魯直
鄒志全 文本記成當國日退之句就

貶官年從來治亂無多術只在請人進退邊

頭顱四十有感

學古光陰惜寸分濟時心膽墓華勵少年有意不稱意

暮景欲云何所云行矣未能真不感歸與長恐遂無聞
朝來不敢看清鏡怕有輕霜下碧雲

次韻酬查仲文春日宴集

步屨隨春亦偶來堂前雙燕莫深猜明年我自滄浪去
無限人從紫陌回寶扇臨風聽曲度繡簾依日看花開
一尊幸許陪諸老急拍深杯米用催

平菴悔禍卷九

平菴悔禍卷十

枯蒼項安世平甫著

七言律詩

老母生朝

陶春庭院起鞦韆賽社人家踏舞筵生日新來逢此日
今年好去勝常年舊栽桂子添枝盛老對萱叢孺色鮮
但得兒曹俱鶴髮五紋雙鬢戲尊前

又代庠孫

春風建鄴花如錦
社日秦淮酒似油
繡閣相傳住鍼綫
高堂有喜送觥籌
鬼經三夜光長好
燕入新年語不休
商略重闈何許壽
八十纔是一春秋

文人任知縣生朝

老梅坡底萬花黃
未問重陽且少陽
華岳金天鍾寶器

屏星初月照琴堂

前兼件西和
今任西城照

阿連句好珠躔聚
文度

歸來玉樹香

時二叙文與文
舅昏官滿來歸

予歲易逢難此會
明年湖

海却相望

文人與安世
皆將赴官

大人生朝六首安世

一秋六詔入于門
總是君恩與父恩
拔起單貧新氏族
訓開癡駭小兒孫
于今教養功都就
疇昔鄉閭道愈尊
樂事滿懷無一欠
只消長壽看仍昆

宜孫

曉鏘環佩謁仙靈
退著班衣戲寧馨
帝所已開天佑節
新聞又拜老人星
為臣為子真蓬進
斯萬斯千並與齡
聖主蘿圖長奕奕
仙翁華髮再青青

瑞慶節是時初名
天佑節十九日值

壽皇百日齋放用
十八日開啟聖節

寅孫

蒼莖丹闕六龍飛浩蕩鴻私下九圍
花結初頒紅錦帙寶香新拜綠荷衣
米曾賀剌周閭里又報升柴享禁闈
十歲幾番蒙帝澤一年兩度被恩輝

容孫

一年好景是重陽更繁輝紅菊更黃可
但初旬堪落帽不 二九再飛騰芝書
况有重重慶桂種仍傳衮衮芳

歲歲年年秋色裏
玳筵紅燭醉風光

康孫

隔江遙望小蓬萊滿眼風光入壽盃
湧起濤江為玉酒瀉開東海作金壘
山龍恰為供香獸橋鯉真堪截錦腮
鴈字滿天霞正赤染成詩軸勝於坯
時寓紹興城中臥龍山後鯉魚橋之側

序孫

角羈小小未多知但識堆盤果實奇
星女機邊榴綵綵

炎官繖底柿纍纍綠皺平聲紫殼如拳栗玉液金肌似盃
梨願得仙翁千歲壽長分餘顯及孫兒

瑞慶節

引罷琳宮祝壽班團團初日上雲間微風不動鞞袍暖
千騎無譁錦繡環一色新花迷遠近十分和氣滿江山
邊城盡日聞簫鼓豈料今朝有此閑

題周丞相壽沙亭

以長沙星在軫中主壽

台星入軫照三湘中畫南雲作壽鄉太始以來山色在

北流無盡水聲長曾聞皇極頒諸福親把鴻鈞轉八荒
却倚虛欄看平楚野潢閑受濟川航

方太君生日

金鴨煙青螭炬紅玉龜山止勸春風乍寒還暖化無數
似缺疑圓桂欲中八十又三人所羨雙瞳如漆壽難窮
七千九百十一歲始共春齡一半同
飄飄南極上明星浩浩東風入翠醺春最好時纔中半
人難學處是修齡已開棠樹千枝錦尚久莫花一莢青

更願光孫添晚景早收丹桂媚慈庭

六叔母生日

千歲光陰二十停一停纔向此時盈今年律筒又報三
陽近歷草還飛四莢輕冉冉春盤行細綠泠泠膈瓊瀉
空青不須更煮囊中藥息氣存神自久生

已傳春日在春前誕日欺春又占先日面玉槃
菜縷兩行紅燭罩沉烟自從梅裏迎王母直到荷時慶老仙
欄住東風頭與尾中間和氣一千年

內子生日

時在成都戊申正月十八日

去歲親前捧壽杯如今萬里獨西來遙知此日憐兒婦
應撫南枝問雪梅百尺燈山初轉眼一危春酒欲醜腮
願言尊幼俱疆健歸者斑衣伴老萊

東風吹草未成花物色相看意已嘉游女畫從燈夕出
家人重向壽辰誇層層膝下孫枝長家衣天邊帝綉加
欲和晏公延壽曲紅鸞紫鳳勸流霞元獻夫人生日公
作詞云衆真延壽
賜與流霞滿酌瑤能
紅鸞翠節紫鳳銀笙

人閒十八最風流更占新年第一籌北夢南雲春漸暖
星橋火樹夜初收舅姑未老椿松固兒女成行璧玉稠
但得長年同飽飯其他萬事更何求
居士新年六秩來細君初慶綺筵開朱顏拂拂生銀勺
華髮鮮鮮上玉臺女嫁男婚成次第殃銷禍散到耆鮑
高堂一曲斑衣舞戒唱君隨作老萊

又中秋詩

去年客裏念庭闈今日尊前捧壽卮樂事賞心仍有月

好天良夜可無詩秋原絕粒真成早俚俗燒燈不負時
荆俗中一笑難逢須自慶幾人對酒得開眉

秋放燈
煙清露冷月明中無古無今此夕同大地山河歸影裏
白銀官闕上天東人情可是隨時別酒盞真堪對影空
來歲相逢應更好丹梯高處獨乘風

又中秋小雨

天生明月照秋空人把鮮晴候歲功可忍浮雲來鏡裏
更堪風雨落庭中旌旗路浪驚吳俗燈火連街見楚風

江海歸來必未穩猶疑醒眼是朦朧

臨安以中秋弄湖
江陵以中秋放燈

又月出次韻

觥船老去不能空詩律衰來漸少功
此夜輪邊誰得句一壺花下偶成中
光分少皞金天露氣挾蓐收閭闔風
只恐嫦娥須目梅何如雲裏放朦朧

又中秋汾檄新昌道中有懷二首

時大人尚留荆
南舍弟方試浙

漕獨老母兒
女在官舍

亂山深處過中秋客裏今年分外愁
坐想鴿原揮兔翰

遙知鶴髮念貂裘一身四處為肝膽
有月無人與獻酬
急喚老兵同濁酒強排孤憤作清遊

母氏立春日慶七十一十一月二十七日

土牛門外打春鞭綠鳳堂前慶壽窰
西母東公俱得歲
古稀今有見雙全群仙別演長生籍
大歷重開甲子年
更值園壇鷄赦出兩封花語一般鮮

六叔母生朝 十二月十九日

香梅細柳競芳辰預報新年兩日春

二十一日立春

未得庠盤

傳來縷且春玉蓋泛松仁東風來 添絲竹南極雙雙
照壽椿正是門闌多喜日乘龍嬌容翠袍新

又代作

絳帷屏鎮繡簾依翠竹龍香錦帕齊百施瓊艘傾竹醞
千年眉壽輯萱閨堂東已見牀堆笏庭下行看玉滿畦
歲晚逢春知有意天教齟齬受新禔

妻兄任以道生朝

十一月三十日今歲以二十九日

月律從渠大小句先生隨意作生辰以謙日養何嫌晦

與復俱來特地新千歲日將宮綫數五方雲作壽香陳
葭灰寂寞今無賴擬向黃鐘託此身

四伯父生朝三首

三月四日

花到酴醾芍藥時人如仙桂大椿詩一年春事鶯初懶
千歲光陰鶴未遲鬢雪多於南極老臉朱濃似舞雩兒
醺醺曲水餘醒在又酌流霞勸壽危

夜門脩竹罷傳觴清明詵詵輯燕堂浴冠舞童春服盛
秀眉齟齬頌聲長博山細吐晴霏潤大斗高斟臘味香

華髮他年多勝事鳳綸重疊拜恩光

農郊有喜萬人知三日甘霖綠野肥動地歡聲連穀旦
降神喜頌入春闈雲充畫棟排金鴨花滿前行立綠衣
七十今年須預慶明年群玉正天飛

十七弟年朝 十一月二十九日

至日陽生萬事新阿連於此慶生辰一天雲物皆和氣
滿市人家作賀賓壽算暗隨宮綫長科名行逐地雷伸
病夫已學陳根退只願庭前五樹春

六叔父生朝三首 四月三十日

拂拂南薰入燕堂獸爐清潤酒尊涼筵間湯餅麥初熟
綠結茶花綠正香翠竹有孫添夏笋紅榴龍笑發春妝
都將造物無窮景來與仙翁獻壽觴

夷惠之間得趣多天教彌月占清和門當午市心如水
髮挿秋霜臉自醜雨洗竹香侵瑞鷓風翻荷潤入杯螺
欲如壽算長多少樓外西江萬里波

百摺榴花照畫筵八千椿歷紀避年東公西母朱顏者

玉女金童綠服鮮
梅雨添漲春色酒
麥秋黃起壽爐烟
銅壺未下三更水
猶是清和四月天

伯父生朝

三月四日

前宵穀雨放茶旗
昨日重三轉酒池
綵杖插花明兔盃
紅牙調曲勸鸞危
煌煌朱臉烘華髮
奕奕清睛耿秀眉
南極壽星祇此是
不須高向畫圖窺

壽邱安撫二首

代沈叔晦作丙午

湖上高荷五月涼
雲間三五桂華香
蒲葵影裏民無暑

飛鏡光中吏有霜
日近天申纔半浹
陽居大夏恰中央
定扶真主開炎運
雪恥歸來報上皇

當年詔使再來時
物色依人喜可知
萱麋半黃宜壽母
籜龍新綠見孫枝
清香晝戟沈沈處
永日薰風細細吹
閣上南山青不盡
一杯相屬壽無期

用韻壽鄭子仁二首

千載吾家得鄭君
至今情義著於春
向人心事緇衣武
伴我躬耕谷口真
父老尚談宣幕事
世科元是探花人

朱庭玉色渾相似曾向水綃識壽神

穀閣風來六莢新勺芒猶是管餘春明朝斗外星初轉
今日樽前夏未真九十日都成此會八千年更屬何人
併將駘蕩清和德鐘作崧高駿極神

次韻為樂黠州內子壽

四枚車前翟芾施六珈光裏振榆揮侯宮燕喜千年壽
天詔鸞封咫尺威西閣雨晴山靡靡東湖雲澹水微微
眷風無限長生意客子何妨緩緩歸

吳越王寄天人詩
云陌上花開緩緩

鄭子仁生朝

四月六日

萬紫千紅變綠時高門廣路繡孤岳梅梢暗結和羹實
蠶簇初抽演繚絲首占夏時天已許名喧春榜世方知
家傳鼎甲尋常事不此寒儒漫浪期

送鄭子仁往岳陽兼以為壽

四月五日

曉發津陽向岳陽梅風吹繞麥天涼家人細數生朝近
壽算應同水驛長

自別至岳水
行七百里

行處葡萄迎禱綠宿時

揚柳近船黃千花不敢留顏色只許藍袍一樣芳

壽王尚書二首 三月二十七日

前年草履下星辰那料如今更有春幾為拜雪成晚膝
可辭持酒勞憔悴田家有喜新收麥老子無何忽念尊
欲去強留天意切玉堂清夜出絲綸

去年曾賦泰山高祇誠君侯一味豪稍稍近能窺霧豹
堂堂元不掛秋毫直將空洞容君輩從使參軍似馬曹
此世此途荆棘久借公餘勇為除蕪

壽母生朝 二月十八日

油河會散恰盈旬 二月八日 公安佛會 春水痕生又浹辰 二月六日 春水

生堂上畫圖星欲動夜來銀燭火猶新 十七日 清明 江汀花

草香風滿兒女孫曾樂事頻海燕長隨生日到是渠三

島十洲人

內子生朝 正月十八日

壽杯同舉壽闈中比樂人人羨此翁滿目芝蘭如謝傅
齊眉賓主似梁鴻萬枝燈過游塵息三莢莫飛淑氣通

正是春來好時節柳梢微綠小桃紅

寅子生朝寄以蜀果 正月十二日

老來夫婦喜如顛遙舉生朝白玉船
多作時文充上賦深持為學繼家傳
九年伏枕吾何恨五子通經汝更專
嘉寶送將知有意且須成熟味方全

承甫兄生朝 正月二十九日

鶴雲絲雨弄春柔鳳蠟龍薰淑氣浮
頌柏盃盤連月尾夢蘭時節占年頭
吹開郁桂子花上歛退堯賞一莖留

好箇龍飛新榜首萬人齊指最風流
新天子初臨軒策士讀之龍飛榜思厚數最

又代作

新年輪遍列星名却到龍頭第一星
夢澤東風吹麗曲錦江春浪漲芳醞
月鸞雲鳳揮才藻日鶴天龜與壽齡
此會明年應更好長安花裏醉還醒

壽司馬夫人二首

李恩之母為范邦陽作於臨安淳熙乙未七月九日

起居大國太夫人玉帶金魚兩相門
燕子容 歲有萬千

宜壽母人生七十見重孫古來此事猶稀
有帝所如今亦預恩應是前宵度河漢
獨乘飛馭下崑崙

秋風庭院忽生春請祝庭前祝壽人
鄉月已昇仙掌露郎星初見宰官身
一子作卿一子作縣九霞醞就金尊滿
四世孫看玉砌新待得蓬萊更清淺
人間誰復數靈椿

稅利路章運詩二首

疇昔吾鄉主簿君今年舟旆過江潯
老僧尚記辭菹笋舊吏猶聞卻顧金玉
節朱輪行萬里清水寒露烟初心

南風軋軋鳴歸榜似相蒿城薤管音

寶屏峯上兩先生

初司馬文正父子於利州寶屏山

照見廉貪立懦情

八百萬錢同棄屣四麾一節但空籬
掃除身世朝和暮分付兒孫白與清
持此橫山原畔去少師秦國有餘榮

少師秦國其父母也嘗乞以所轉官回贈父母上時許之

黃均州祝詞

名收之撫州人

孤童崛起世希有二子成名人所難
終始兩無堪恨處東西常大所居官
請方老宿俱養遍蓋世功名忽夢殘

愛我平生呼畏友負公無路送行棺

乾道淳熙首尾年相從江漢麗譙邊
主方壯歲才衝斗客亦兒時氣刺天
故舊彫零真老矣城門重到輒潸然
最憐衰即徘徊日為我經旬治畫船

平菴悔稿卷上

平菴悔稿卷上

括蒼項安世平甫著

五言絕句

次韻李校書雨中至四聖觀三絕句

今日真仙宅當年處士家
江梅疎影盡無數海棠花
花片洒行廊吾痕上赭牆
阜陵游幸處花草亦悲涼
積雨全迷路皇天不做春
提壺休勸客城外有饑人

白鹿洞書堂

山人居白鹿書洞有遺跡為世作星鳳真堪慰泉石

李中主書堂

楞伽有公擇娣弟如班宗宜州黃宅相徐韻更春容

歐陽拾遺讀書堂

嗟余嗜前訓蚤歲得明模中年因離索舊學日荒蕪
茲行覽得失撫已動兢愧暮景尚可鞭毋使寸陰棄

失題

日暮歌碧雲天寒思脩竹佳人不可見景入山更綠

憶田間事

小蓋行障日枯筇立倚風入田惟種穡行圃看澆葱

水宿

水納乾坤淨寔通左右涼船門如引索直面看波光

鐵笛亭

夜嘯千崖裂朝吟萬象蘇山人大自在無淚將君鬚

仁智堂

堂前九折溪堂後百仞屏客來問仁智相與坐中庭

隱求齋

種桑不捺寒時粟長苦饑飢寒從古有但使願無違

觀善齋

切切松上風齒齒泉下石零露曉沾衣童山夜升液

張文獻公讀書堂

謫仙讀書處零落依長松世人皆欲殺頭白想飄蓬

記夢

共客談風雅花邊或水邊胸中無一事夢裏亦欣然

茶竈 在水中央一石

灑灑亦有堆黃河豈無柱借問覆舟人何如喫茶處

有感

船頭一搖槳船尾萬波隨聞道山中樂無人盡日維

觀潮

張王偏宜月雄豪更得秋岸頭渾破膽浪裏有行舟

聽雨

幸自蓬窓好儂家企脚眠雨聲無賴得相喚著愁邊

觀穫

晚艇村村載秋原處處收年來尤愛此一熟緩千憂

思歸二絕句

永日消金鴨暄風汎寶鸞自從歸意動無復夢魂安
艾葉翻翻白榴花疊疊紅年華驚客枕心事逐郵筒

二十二日山行

秋日更山行朝朝入畫屏雨看如水墨晴喚似丹青

釣磯

水深石可竈水淺石可磯多謝山中石與翁不相違

六言絕句

次韻潘都幹菊花六首

花草春時迹遠風霜急處心夷生怕枕幃收去粉香脂
氣薰肌

長恨獨醒無賴和英飡向馮夷我自浮沉酒裏鷺黃薰
透香肌

霜神亦有半韻未可尋常等夷赤盡江頭楓葉却能徧

護花肌

食把何須慕陸采薇未用誇夷別有寒潭秋蕊能留鶴
髮松肌

暖風和日花時不共人爭醜夷自愛霜深月冷累累金
粟生肌

斷無羅綺追隨政要兒曹鄙夷千古一人知己重陽無
酒溫肌

再次韻菊花譜系四首

人道花生絕域此花或系西夷簷蔔林中妙散金光明
裏真肌

若使荆公作譜却須派出東夷補落伽山傳種閻浮檀
水成肌

欲喚群仙指寔衣裝似學希夷金母為瑩嬌暈黃姑與
鍊仙肌

我欲詢之元亮但言前路威夷且約黃花共醉門前塵
土侵肌

用韻送夔帥何侍郎以待制奉祠東歸

灤水橫通江水已山五下巫山山水光中坐嘯猶嫌不似鷗閒

薊火周王竒考松楸舜目聰明願足不求餘地夢回何處生兵

種竹看成耆舊栽花養就雲來偶被東屯喚出却遭浮

白呼回

浮石何氏家山名

萬念頭頭灰冷三田日日春妍曉起珠晶漱瀑夜深玉

海升烟

晉國心存綠野菜公夢著橫舟可奈紫宸墀下春風催器班頭

三日游澹嵒火星嵒朝陽嵒

一日三嵒可了平生兩脚初來不怕天公雨澀青鞵飛上崔嵬

次韻和王少清春遊

自笑年來多病一生辜負嬉遊造物故禁雙眼東風為

惜纏頭

寄羅機宜竟陵督捕六首

颶颶旌旗出郭轟轟雷電奔
空一夜楚江風雨千岳萬
壑流通

共是天家赤子可憐地上游魂去
草固嫌滋蔓過流須
藉澄水

萬仞山根螻蟻千車轍底螻蛄
不怕麴糶嬰及只憂玉
石焚岡

只合笑談油幕亦煩親擁珣戈
小試異時頗收要觀方
畧如何

好把從軍樂事新詩細入郵筒
我亦平生湖海日來頗
困頭風

已賦陽臺行雨還看夢澤連雲
為問當時平土如今多
少耕耘

平庵悔稿卷十一

平庵悔稿卷十二

括蒼項安世平甫著

七言絕句

偶得二首

水邊楊柳禿籬沙路上寒梅噤未花
欲識乾坤生物意
柔根麥子已含芽

雪中春到梅花覺
水底水行人未知
珍重天公好消息
通令通古更何疑

和趙司戶尋梅桐原菴

王孫寶馬七香車不似吟鞭跨蹇驢
少待綠陰青子下與君扶杖轉鳴渠
桐原花下不容車茅屋疎簷竹繞間
可惜傳呼青影裏人聲浩浩屋渠渠

東齋

桃花不解言前事願蕊還須記舊人
惟有軒前舊移竹向人憔悴似相嗔

松陽南巖夜歸

走下南巖踏黑歸蒼林擁暹白光微
馬湖橋上消搖甚飛度前村露滿衣

二十四日看山

日日憑與看遠山不知行處是岑巖
他山亦有癡人看却向儂家行處看

釣臺

數仞山頭一小亭只消此地過平生
崎嶇狹世纔伸脚

已被劉郎賣作名

君房足下竟成諛只是韓歆已破除豈有江湖釣筆手
為君臺閣奉文書

秋懷

有營何日得無悲無欲無時不自宜竹影一窻泉一曲
山齋非是愛吟詩
秋水迢迢詩思清秋陽杲杲道心明誰人得似秋光巧
畫出山齋杖履行

中秋無月

青天碧海路悠悠兔老蟾飢亦倦遊鎖定玉樓雲不卷
兩街燈火作音中秋

脫葉

綠陰時節紫爭飛投分青無更不疑橫被蛛絲禁得住
舞風一片獨多時

富陽道中二首

雲放天開雪欲晴櫓聲爭出滿江鳴牽繩直上高崖去

想見瞿瞻百丈行

一帶江流兩岸山
花珠髻滿雲鬟
一聲鳴櫓俱回首

小杜舟中醉眼看

借韻

臨安道中見壁間書字云
由左行者為四川驛路
只道成都路八千
誰知從此使西川
行人一見成深省
大道多歧穩著鞭

牡丹初開

東君環轍百花開
次第行春到牡丹
蜂嗜嗜花春不覺

一枝先破紫金盤

天中節錫宴戴花

泥金撚鐵綴花枝
淺白深紅映酒卮
回首瓊林真一夢
插花還似去年時

行香退過南湖主人未起

夢裏敲門報五更
雨中行轎到天明
若為得似張公子
臥聽穿林林葉聲

晚荷

平庵詩集卷之二
四
傲傲翠袖舞寒塘無復當時婉婉妝蕩子遊娃俱不到
倚風搖月自生香

留別南湖二首

老夫夢識南湖路水檻山堂處處通若有新篇無告訴
不妨題寫寄江東
九重城裏塵如海只有南湖一片霜若向南湖談世事
老夫只得去池陽

蘭溪道中二首

征人頽熱共占霜忽報冬溫是雨祥正向愁邊聞吉語
三霜兩假是尋常
一夜清霜逗曉晴柔林脫葉似灘聲雲邊怯有鷺鴻過
直作灘頭細櫓鳴

輜中聽雨

急雨淙琤打輜簷綠荷聲裏下湖船時晴更把山樵喚
岩桂香中八月天

順風過湖二首

三唐詩集卷十二
帆影如醒左右傾水聲似戰聒天鳴傍人只道船行快
不道船中客更驚

維舟六日傍明山待得風來始破顏一抹平湖三十里
聽渠微橫去聲未須關

元黠荆人呼為黑老婆

腰肢可愛紅娘子俗謂小紅蜻
蛭為紅娘子面目無情黑老婆世上
但知憐少艾雙雙飛舞奈渠何

入湖北界

丹楹白扁照人開湖北封疆直面來入得界頭歡喜倒
恰如身已到荆臺

曹橋

聽得鳴鳩逐婦聲行人相顧各心驚夜闌雲散天如洗
乞得曹橋一路晴

上鄂州黃鶴磯

黃鶴磯頭水似油趙陀埽上石如鉤舟人上得休誇客
曾過人間百仞流

黃州赤壁下

杜牧談兵語未公都將事業付東風
三江不見劉玄德已覺曹瞞在掌中

武陵江上漁舟

家居堤下土平簷人在江中天
許船正爾平生事方足有人狂夢欲登仙

次韻羅鄂州送別

江上相留不肯留渡江公岸却回頭
漢江東去人西去

不見高城始是愁

壕頭入衡山界

亂木林中微有路雨山峽裏欲無天
前頭似向夔州去應有西川未了緣

次韻衡山徐監酒同考府學試八首

起衡州人

詩裏無悰久自知意來聊復寄於斯
要知風節高多少萬事如今總似詩

徐詩云古人風節古人詩

少時鹽齏著新功老去蕭蕭漸秃翁
辜負平生好師友

納湖雲谷雨仁翁

納湖張先生
雲谷朱先生

世間無事可關心只有豐年願最深春早惱人頭欲白
朝來一雨萬黃金

欲濃還淡雲容碎似見如藏日影微賺得鳩聲長又短
不知雨意是即非

惺地燈枯夜漏殘眼眵腰折雨聲乾上牀一覺江南夢
放艇高歌七里灘

南州門戶列雲來猶有詩情出九垓憐我風簾鑽故紙

借君月露洗黃埃

夜久看書眼倍明春來覓句思偏精不嘆科舉遺佳士

更把時文教後生

徐以特奏
名出官

祝融峯下築糟邱此段輸君第一流誤到塵中踏塵土
却思江上駕漁舟

鄂州道中見刺玫瑰花

醱醱雨後飄春雪芍藥風前散曉霞一路繁香伴行客
只應多謝刺玫瑰花

二十三日阻雨鴨波驛因寫道中詩寄羅邛州

橫吹逆洒斷人行破驛孤眠又一程寫得吳箋寄長壽
無情風雨却多情

善謔驛淳于髡墓上有木斜出口占

秦人磨斧闖山東七澤青邱入夢中齊楚君臣正行樂
辟宮除道送金籠

題鹿門山絕頂升雲亭

上到山頭十八盤貪高不計足心酸年來學力荒唐甚

羞向升雲頂上看

步上黃羅嶺

牛頭鶴美漫虛傳未抵黃羅路刺天曳杖徐行吾自樂
世間何地不平田

入普州

過盡昌州無數山山門地辟見平田田中有麥元無米

比自昌州却可憐普州田雖多不若昌州之出米

七月二十日被檄考試出門

阿婆少也不如人更說秋來白髮新
欲按新聲忘舊譜
畫鸞歌扇久生塵

瓊林花底散遊鞭
回首長安十八年
羞把文章對年少
老夫衣鉢不堪傳

次韻黔陽王令論詩五絕句

洞庭五百里巨浸
衡岳七十二高峯
不是公家祿樣筆
個中施手若為容

舊日朝川圖上翁
而今孫子尚家風
如何寂寞黔陽去

五兩青綸一畝宮

驪珠一百二十六
落紙輕圓字字同
怪得春來全少雨
烟雲都在錦囊中

見說吟哦三十載
從來此事一生功
勸君莫用雕鐫得
只恐令人晚更窮

我亦童年學露蛩
老來留眼送歸鴻
自從謝絕曹劉後
浩蕩春光滿入空

亭午熱甚過石子澗

三唐詩集卷之二
一掬兒童數樹涼
兩三梳子野花香
荒山赤日相逢處
便是天台見石梁

澗上居人

路澗作橋兼作屋
行人初到已冷然
全家寢食涼瑤上
韶護聲中過百年

四月五日解維成都連日行淺灘中或遲或速如
在東中遊湖甚以為樂初九日過龍爪灘兩江
合流江始深舟人至此歌呼鳴櫓作發船離岸

之聲余始愴然覺身是行客頗有離索之念

青林淺瀨密紫洄
喚作蘭亭載酒來
忽聽江深發鳴櫓
始知身是罷官回

峽內三絕句

峽內為生絕可憐
那知世上有平川
生身未識三冬雪
仰面惟看一席天
峽內居人種石田
種成葡萄待江船
船頭老嫗悲聲甚
只博茶盞不博錢

千崖無樹作炊烟
峽內為生也可憐
探水得柴如寶藏
賣菰成俗滿村船

瞿塘峽

家住東溟狎巨濤
今年三峽試容舠
瞿塘関下驚危甚
一席已天浪許高

宿巴羊峽

夜榜巴羊聽水聲
江南幽夢到吳屏
賀家湖上黃梅雨
四面荷香入畫舲

過峽州宿青草灘

烟裏鳴橈去夕陽
不堪風急滯歸航
無端更著三更月
一夜孤蓬一寸霜

二十五日嶽市路口居人皆鬻櫛具及風藥

家家藥榜九朱墨
處處絲繩_比聲梳
我有沉疴并宿垢
亦思從此日祛除

荆門十二背詩

瞿塘関裏異乾坤
石峽山深日氣昏
行過西陵天亦晚

浪平風暖下荆門

重過習池

征鞍重過習家池
橋下泉聲又索詩
待洗一杯春酒澆
為君吐出碧雲詞

南嶽路口懷胡氏兄弟

奕奕神山照遠天
羨人家在此山前
待僕了却公家事
來借書堂十日閒

虎逝龍亡未計年
舊巢雙鳳故依然
靈巖草木皆堪敬

莫作尋常到嶽前

阻風泊江州對岸

城下看山不見山
東風吹我過前灘
橫陳廬阜滄波上
十二雲髮得細看

江陵贈蒲術人

未赴成都先夢到
纔逢蜀客便心親
江陵一見蒲居士
似向巖家訪問道

次韻謝尚書贈曾術人

平庵悔稿卷十二
淡墨當中印八神衆星環寫象秋旻逢人只說中和孝
莫道鳴珂與曳紳

出江陵北門便有詩思

反閉柴門謝絕詩二年強飯慰肝脾朝來威遠門前路
已被渠儂聖得知

過缺臺

馬脚幾日西山客已有新詩看道鄉指點東城笑僮父
半年無句寫瀟湘

平庵悔稿卷十二

平庵悔稿卷十三

括蒼項安世平甫著

七言絕句

重午餉菜楚俗也鄧撫幹以詩來謝次韻答之三

首 諫從俗人

大家朱書亭午時小家艾人張天師惟有書生最窮餓
盤中日出菜離離

萬錢食君君不嘗一飯受我供寒漿不盡三生蔬笋氣

鄧侯風味似支郎

鄧極好佛

蜀客登來屈子城九歌重見筆縱橫不妨秋露澆春菜

只可從渠學獨清

言不必獨醒也秋霜江陵酒名

次韻和黃江陵重午二絕

大全

門前帖子蟲書小壁上仙人虎脊高欲起沉疴無舊艾

枕邊霜鬢日蕭騷

老便蜜粽加飡易病却蒲根細嚼難繫腕只餘心似結

沫芳誰與臭如蘭

大旱小雨

白水連天九澤渾

江陵雖有大江不足以救旱夏秋間堤外常苦水堤內常苦旱故首句及

之平田五月獻龜紋北人未識黃梅雨千里爭占赤土

雲

荆俗呼霞為赤土雲

稍覺絲絲來萬弩如聞隱隱動千軍夜窻一霎聊堪睡

未救田家卒歲勤

橘州路口小雨詩

三十年前遇此時一雙青髻綰青絲如今舊雨猶相記

只榜星星白髮吹

小雨轉張升之

夜窻疎雨不堪聽
獨坐寒齋萬感生
今夜故人江上宿
如何禁得打蓬聲

自子陵市尋路入苕上泉三首

距荆門軍十五里

去年雨宿嚴陵市
咫尺風烟隔上泉
今日山神方信我
不將塵土到渠邊

十年玉水間
深林十里重岡隔
世塵猶恨子陵饒
舌在

却當戶口告行人

君看酒盃泥蒙泉
玉氣珠光夜索然
可使黃塵車馬客

更將此地世人傳

荆門軍以蒙泉為賣酒之所

梅開次韻荅葉教授一首

南叔字叔昭

雨洗晴烘兩行梅
朱朱白白盡情開
不須更到東亭得
請罷君詩似看來

春風一點暗驚梅
便有千花動地開
却似德人方寸事
等閑流向筆端來

酬荅復州葉教授 南叔

先生來赴泮林期正是尋花問柳時
偷把春風舞雩曲薰葭江上避人吹

象環章甫古冠衣解佩江邊結伴嬉
應共遊童春浴罷詠歌喬木錯薪辭

復州在漢江上

陸子泉頭春水生一甌新乳雪花明
喚回明照山前夢起對庭花忽有鶯

復州有陸子泉葉嘗從呂郎中學洪慈州明照寺人學看方諱之

竟陵寒盡轉春風壇杏林林淑氣通
惆悵江陵紅白樹

年年幽獨伴鄰翁

韓退之上江陵詩云居郡北郭古寺空杏花雨株能白紅

送襄陽馮主簿

書來雍府不相忘中有清請小作行
一似覘南車上讀眼中行色有輝光

老子當年起壠間豈知零落向華顛
秋風喚起神州夢猶憶平生戴與田

不隨黃綬去仇棲歸著親前五色衣
安得紫里知此意喚教霜鳳帝雛飛

和趙主簿韻賦桃花

曷日鮮晴后土乾川原遠近踏春寒詩人不問花開落
為雨為霞總受看

嘲熱弄

棧樸芄芄旱麓邊為薪為蕪合種天山牆野店茅灰裡
熱弄須臾亦可憐

新月

窺人半面出修眉斜傍船窓作意依已被江妃偷畫得

一灣清影臥寒溪

次韻孫僉判試院中秋詠月三絕

鸞駕乘風上玉清青冥風濕瓊英我時獨笑無人解
四海諸公共此明

揮毫可但佐摛文照破平生種種塵一點清明如古鏡
八方圓轉似車輪

此夜清光萬古同自開場屋幾番逢如今壓倒詩人後
不許狂僧打夜鐘

乘月入城

秋天無雲淨玉色水風帶月搖金光
北中三千六萬里容我緩轡歌清商

入江西界

行過中村三石頭湖南地盡到袁州
荆南更在湖南外一片白雲天際浮

贈彭術士

琴舒湖水檻前簾開闔山光舍後簷
幸有湖山供臥起

莫將世味較酸甜

涓水春深戰未停廬山秋老夢方寧
與君起有平生怨挽向兵間說汗青

還劉叔驥廬山詩卷

劉家子驥我鄉人洞口桃花獨問津
歲時他鄉逢叔士杏林花發小陽春

潯陽江上督郵誰能使陶公去不疑
今代廬山非昔日督郵能酒更能詩

遊白鹿洞書院 高方凡三書院

曾依嶽麓聽鳴泉亦泛朱陵石鼓船所欠平生惟白鹿
暮年來此豈非天

雪晴

顛風圍屋暖盈襟滿意成霜却做陰昨夜風休寒徹骨
曉霜呼日上平林

夜來露重謝嫦娥造得清霜爾許多底事日高猶未落
看他青女嫁羲和

炙背

僂坐前簷曝午曦一襟和暖似春時無因得共田夫此
直獻君王更不疑

過豐城三十里始見田廬坐落

石坑東畔好田廬更著青林映帶渠新喻豐城三百里
中間蕭索獨何如

新喻道中

新喻清江兩縣幾荒岡漠漠使人疑江南道上誰為比

平庵集卷之三
湖北京西日暮時

銅陵縣步

二年三過銅陵縣欲採蘋花意自羞他日夢中應記得
淺山銜縣水銜州

阻風茅山港

日日南風費挽牽江神知我意悠然小舟隨水隨風往
不羨千帆上水船
我非汲汲馳名者何事區區逆浪間三釜及親須為米

可辭為客下茅山

鳳凰臺

鳳凰何處不歸來衰草斜陽只廢臺欲喚謫仙歌一曲
長安今日更堪哀

夜泊聞柳

昨夜天聰門外泊不聞朝鼓只聞柳三年一覺青雲夢
始覺人間味許長

次韻蘇主管青溪十絕句 十能字千之

與君相別若耶溪十載湘航與蜀梯恰到六朝行樂處
臺城東畔冶亭西

不分詩顏著病魔一杯薑酒汗滂沱須臾下筆風雷吼

寫盡清溪曲曲波

蘇是日感風同游者
沃以姜酒談鉢頓作

日西何事客歸遲等看媚媚一寸眉却是嫦娥大誇客
和宮推出桂花枝

雨餘溪水十分盈更著秋潮數寸生西浸夕陽東浸月
併於池雨作鮮明

風前月放玉盃圓雨後雲拖翠縷纖月要鍾山全體見
雲師只肯露微尖

多謝西風護綠綺不教一點動琉璃併留楊柳春時葉
總向琉璃四面垂

清溪元有幾家灣留得如今一曲殘六代舊人無處問
只餘淮水與鍾山

牆頭紅旆醉傲傲大將防江出六奇我自中原行鐵馬
他時此物不勞施

是日大
閱戰艦

不須北阜與西涼城裏溪亭勝得狂風過靜觀波治亂

雲間門看月興亡城北鍾阜城西清涼寺皆金陵勝地

老翁何處已飛仙想跨寒驢短鞭挾來往段家池上路

只今枯柳尚鳴蟬青溪在荆公集中為段氏別業

送潘都幹往臨安

西子湖邊桃葉青潘郎歸騎拂春星金陵風景憑誰有
留得閑人住冶亭

次韻潘都幹元夕

春草萋萋六代陵元宵風景屬殘僧街頭年少渾無事
共點油錢放塔燈

元夕二首

臘雪初消御路乾暖風吹面不成寒月華滿地春如酒
不是燒燈也合看
墮劍遺弓淚未乾斷蓬漂梗不知寒月明正在行宮上
猶作瑤墀舊夢看

春陰二首

好風疎雨淪紅塵收拾殘花作翠陰春色不隨桃李去
一川濃綠正深深

烟花淡淡雨聲息雲脚踈踈日影紅桃花作雨梨花雪
春在綠楊芳草中

臥病

廉纖小雨濕相欺病客無悰晝掩扉自轉坐屏遮午枕
一窓寒夢繞親闈

病起

不分春風大廝入聲欺起來花絮滿城飛可能不待詩翁
出直作堂堂取次歸

贈劉正將

南字武子

柳亭門戶劣三間詩伯封疆自一囊批判秋風勾夜月
擘彈淮水薦鍾山

宿雲門寺贈張武子

絕憐雪屋張居士日日空牆掛食簞吟到古人辛苦處
囊中不得一錢看

又贈劉正將南

義山仙去飛御死今代劉郎以字行吟到江都燕臺曲
一生深處許誰明

三十七歲初見白髮詩

親朋相見忽相驚綠髮朝來白雨莖若比商州王副使
預先攬得一年生王元之在商州有三十八歲初見白髮詩

出山

又隨寒日下平林黃葉山頭紫霧生六代興亡祇此是

吾儕閒健且長吟

田間觀雨憶葉正則舊話

風中晚稻離離長雨後高田晷晷流此樂世間誰共賞
淮西使者正防秋

過松江憶鄭虞任

獨上吳松第四橋憶隨鄭老駐蘭橈白頭鬢髯平生處
一盞寒泉賦大招

主台州崇道觀

蓬萊別後六經春
新賜丹邱作羽人
恰似昔人東望處
蓬萊經隔幾由旬

讀本朝史有感十首

若訥希文受責均
前賢初豈有冤親
暮年頡上還惆悵
引得無窮射羿人

力薦資深入柏臺
獨延吉甫客翹林
如何歲晚鍾山寺
只見黃州副使來

晚遭呂范攻尤峻
苑闢荆舒恨未銷
舉世共非前濮議

無人細考後尊堯

非獨蘇仙念老窮
古靈亦復薦孤忠
白頭不得諸公力

惟有西塘八十翁

師道在三烏可畔
友倫居五豈容虧
恰方譽瓘祇傾瓘
亦有尊願不抹頤

京携劄子丹誰頭
始發私書族幾家
天上那無黃背子
人間豈有白桃花

未諫瑤華世未知
故人已訖道鄉遲
退之著論羞傷早

不符陽城伏闕時

重簾復辟身居穩送呂迎章話又新瞞得庭中相泣者

難瞞屏後竊聽人

翻來覆去幾枰棋靖國崇寧各一時前日雕籠接宿者
等閒飛過蔡家池

愈作詹經還蓄縮豈知漢事謾嗟囉假令寶錄成書了
其奈雍邱問日何

平庵悔稿卷十五

平庵悔稿卷十四

括蒼項安世平甫著

七言絕句

自武義入松陽道中三首

家家糝米與香紅
客子冷腴復醉醲
但使普天無橫吏
人間何處不春風

黃霧漫天作晚霜
征人相顧失顏行
離然未快還鄉眼
腳底沙泥已是鄉

三層樓和卷一四
四十里欄縈一線上侵雲物下驚湍我行竹客源頭路
蜀道青天不作難

出三坑口望松陽一首

鷄犬桑麻自一同四山環縣作幾封一坑路口一回首
石壁蒼林千萬重

新晴

日日霜晴客路乾征人歡喜不辭寒素娥青女相憐甚
將母歸來道路難

天陰欲雪

仰天再拜乞冬晴十縣租人要入城些子中間私意處
此身方在客中行

田家有感

秋田犁罷老農閒歲暮無營只閉閤愧我西來復東去
新年贏得鬢毛斑

春日途中五首

未說離家日日晴難家三日雨如傾津頭小吏詢名氏

但道當年改墨鄉

一派清江兩岸平
濕雲將雨暗柴荆
十年一覺荊州夢
通濟江頭沈裏行

破艇衝風去似疑
短篷經雨漏如篩
無端更著連宵雨
火似波神得入聲欺

湖海今年最倦遊
春來新上浙西舟
天寒歲暮錢清路
又踏嚴州向婺州

微風急雪點微茫
漁浦江邊上客航
逆水趁潮如順水

他鄉送客似離鄉

立春日離家聞有召試之命

東行此日北看雲
君寵親恩兩繫心
畢竟萬莖何所補
不如留著在山林

病牙 二月旦日

去年胃口辭衣果
今歲牙車怯稻梁
飲食於身已無幾
更須身世覓新裳

淳熙乙未食科是夏再中教官得紹興府教授秋

未還家待關時楊樞密為帥送程先生赴省八

絕句 楊祖字敷仲

元祐真人第九春王顏驚喜識荆人如今鳳質龍章士

又合擒魁作近臣

畢狀元漸
江陵人

雪中草草漫裁詩沂國平生已可知今日功名付家婿

百花頭上更何疑

先生沂
公家婿

向來多士首何方此學巍然道有先付與能言子程子

莫教章蔡更專場

先生治尚書何澹方恬皆以書
作省元章以周禮蔡以春秋

諸公奉詔選豪英翰墨聲名要老成誰敢一錢經衛尉
直須傾蓋贈先生

五星高會記當年笑語喧江夜不眠今日江頭看獨往
人生聚散亦堪憐

霜風策策鼓黃盧滿眼吳江舊去途夢到月明天闕處
夜深沈宿故城湖

夜醉已河酒滿船曉滄溟浦浪掀天回頭已作三年夢
應笑當時尚少年

江南官路接天開五月長安賜第回若見門人舊題處
亦須披拂記曾來

次韻蘇教授飯鄭教授五首

蘇十能字十之鄭鈞字平國

臥龍山下鹿門居

紹興有卧龍山千之自號鹿門居士

消得幽人一草廬

更有勝如諸葛處榴花香裏看芙蓉

隆中在荒曠中無此景物

瓊杖壁月夜爭新玉粒雲杪歲有陳列屋萬鍾祇此是
更須騎馬傍何人

采蘋堪賦有齋詩稚子談經已太奇翁但綠陰啼鳥下

敷牀眠到日西時

歎息吾家老鄭君三年孤鶴困雞群天教此地蘇司業
與對當時鄭廣文

三生杜牧垂綸手渠自長安障日頭我意從來端易敗
分司御史莫來林

初三日解維

隱隱金鉦解岸維昏昏紅日下田陂朦朧霧裡度纖雨
妝點行人去國詩

失題

夢回似覺前身誤
脫罷便尋芳草吟
吟到夕陽人不恨
滿懷風露本無心

田間草花

十里五里望不斷
白花紅花俱可憐
無姓無名天下樂
自開自落卉中仙

有感

抱石親征澤潞時
艱難猶想舊開基
官軍不守河陽渡

回首橋山淚欲垂

重陽前一日大風雨

天公著意做重陽
風伯驅除特地忙
掃盡殘花與紅葉
放教籬菊占秋光

重九以棗糕餉孫司戶名清攝沙市稅務

滿城風雨近重陽
應為征塵墮渺茫
要看詩來壓奇字
試拈公案示孫郎

十月旦日上塚過渚宮避雨二首

縈紆白道轉城腰寂寞垂楊倚畫橈獨自練光亭上坐
淨慈烟雨看長橋

淨慈臨安湖上寺

一機寒水山吳綫數幅荒林老畫屏却恐秋光太憔悴
照天宮錦拒霜明

疑雨

泉聲瀲灩轉山隈錯認山頭急雨來赤道子尋上青壁
恍如飛電掣雲開

雪中得雨聯不能成篇

海嶠風高雲散鹵塞垣寒極地生硝雨花滿坐來天女
寶唾乘空不阿嬌

梅

只消數點著枯枝不用東君一葉垂任是雪深烟更密
清香依舊世人知

水仙二首

川后水幢下碧湍玉妃前尊駕青鸞素羅襦下青罷帶
碧玉簪頭白玉丹

小窓寒夜見冰花骨冷魂清夢不邪
簷葡花頭萱草樹
只應常在野人家

睡起

春半閉窓午睡酣夢餘
瑤策晚香殘起來磨墨花盈硯
勻得東風上筆端

臯亭山

西湖南北寶峯環塔寺園亭碎點斑
不似北關門外著
更無一物澆青山

雨中早行

春烟漠漠雨霏霏山澹人家未啟扉
剛把平生青箬笠
江南道上著征衣

春晴步出東城

山北山南草漸青去年雙鬢只星星
春風不管游人者
又到江頭白下亭

中秋阻風二首

二月當官八月來先生官意本衰頽
乾坤老大知心久

日日南風滯去桅

四無邊岸貼天流
八極光中一釣舟
不是南風解留客
世間無此好中秋

中秋後新晴對菊病體欣然

籬日踈踈喚藻寒
簷溝無語曉庭乾
不須更恨中秋月
且得黃花子細看

嘲青女

乾地成霜水地冰
薄冰頑白厚冰清
阿婆老去鉛華少

西林東塗畫不成

除夕諭鈴不兩絕句

江邊梅柳自知新
病裏形容只向陳
春色不干枯木事
明朝賀歲莫通賓

莫將新歲使為新
綠仗春幡不動陳
米轉東風猶是臘
明朝賀歲莫通賓

壽母生朝四首 二月十八日

堂成初見畫簷新
碧瓦暈飛上綠雲
三尺寶臺蒙錦帕

白狡狴頂翠氤氳

蓀蘼蘭佩擁萱塔綠髮朱顏照酒盃
九十九洲春色裏
老人星動壽筵開

良辰好景占年年
晝燭濃香醉玉船
天上月圓三夜後
人間春到萬花邊

兜孫遙指菊花辰
自詠菴中慶話人也
向北司同此日
八千秋對八千春

集杜句為光母壽三首

腐儒衰晚謬通藉
中有高堂天下無
但願樽中九醞滿
綵服日向庭闈趨

玄圃蒼洲莽空闊
安得赤脚踏層冰
秦城樓閣鶯化
南極走人自有星

禁城春色曉蒼蒼
花氣渾如百合香
萬歲千秋奉明主
南極老人應壽昌

方太君生朝四首 二月十四日

夾鍾琯裏聽春聲
天上笙篴次第鳴
數到一弦弦是處

孟家機畔慶長生

月姊飛來二月天萬花香裊十分圓誰教婺女星知道
一夜攬先照晝筵

不須蟾桂一分圓自有春花萬種妍歲歲年年長壽酒
海棠開後牡丹前

天邊歷草記年華一日東風一莢花春到平分爭一莢
庭萱吹出碧雲芽

二十一弟壽二首 三月二十一日

肇開元聖千年學曾是吾家七歲童門戶只今顏自力
詩書排日看新功
歎兄齷齪身全老喜弟生瓘臉正童色要如童長不改
學顏似老始多功

荆江漁父竹枝詞九首和夔帥 侍郎韻為荆帥

范侍郎壽 二月十一日

第一歌頭緩緩催且看漁父壽圖來天明轉向牙旗外
六千里地繡屏開

二歌漁父壽杯寬荆江亭下到臨安更將海水都斟却
淺得蓬萊始好看

三曲漁人獻壽茶新翻鬪樣織茶花白雨紛紛下江海
翠浪滾滾開龍蛇

四曲漁人壽燭明明在水雲連處生荷天老木朝朝艷
照海金波夜夜清

五曲漁村壽樂多隨天隨小聲和和蜻蜒蛺蝶淺深舞
燕子鶯兒長短歌

六歌漁父壽詩聲一聲聲帶竹枝情大枝千歲不改色
小枝孫子滿林生

七歌漁父壽香堆花霧深深撥不開水邊借得春風送
荷花吹上戟門來

八歌漁父意難忘願見壽域通八荒只開雲夢一梯米
何似渾鷗音命開太倉

九歌漁父好思量願得壽星朝帝鄉壽十二廟寸闕尺
演億萬年元節章

平菴悔稿卷十四

平菴悔稿卷十四

